



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 220. Quotupliciter sumatur consanguinitas.

[urn:nbn:de:hbz:466:1-73973](#)

Quæst. 220. Quotupliciter sumatur consanguinitas.

Resp. Sumitur duplicitate in jure: Primo stricte ac civiliter, pro ut tantum comprehendit fratres ex eodem patre petitos, & eostantum, qui per lineam masculinam seu per virilis sexus cognationem sunt conjuncti, ac ideo idem nomen & familiam sequuntur & agnati dicuntur, sive mares sint, sive feminæ. Sic Titius ejusque filii ac filiae Germani fratres, eorumque filii ac filiae agnati dicuntur & consanguinei in hac stricta significacione. Secundo late & naturaliter secundum propriam actionem vim suam significandi, ut Barb. l.c. n. 7. prout comprehendit non tantum eos & eas, qui ex parte patris, sed & eos, qui ex parte matris seu per lineam maternam sunt conjuncti, & cognati dicuntur; ita ut & agnatos & cognatos, seu omnes descendentes, sive à maribus, sive à feminis comprehendant; ita Pirk. b.t.n. 2. ex Barb. l.c. ubi is etiam, quod Juris consulti & Imperatores consanguinitatis nomen frequentissime in stricta illa ac civili significacione usurpent, licet etiam aliquando, sed raro in dicta illa significacione propria ac naturali; ut constat ex l. cum quidem. ff. de aquir. hered. & ibi Gl. v. consanguineus. l. hac parte. ff. unde cognati. E contra Pontifices utantur illo in significacione illa, propria & naturali; ita ut vix unquam usurpent illud in significacione illa civili, ut constat ex c. tua nos. c. non debet. b.t. hodieum vero ex consuetudine & communi loquendi uso usurperunt in lata illa significacione, & pro ut utriusque linea descendentes comprehendit, ut Bald. in l. ult. de V. S. num. 3.

Quæst. 221. Quid sit arbor consanguinitatis, stipes, linea, gradus.

Resp. ad primum: Arbor consanguinitatis, accipiendo illam, pro ut complectitur ramos, radicem seu stipitem, est collectio personarum de uno sanguine propinquè participantium, distincta per stipitem, lineas & gradus; & sic à parte rei nihil est aliud, quam omnes personæ consanguineæ collective sumptæ.

2. Resp. ad secundum: Stipes est persona, à qua omnes personæ illæ, de quarum coniunctione quæritur, descendunt, seu originem ducunt.

3. Resp. ad tertium: Linea consanguinitatis est series seu collectio ordinata personarum sanguine junctorum ab eodem stipite descendantium. Linea hæc duplex est, una dicitur recta, & est series seu ordo personarum, quarum una ab altera originatur. Bisariat subdividitur, nimirum secundum habitudinem principii ad eos, qui inde originantur; & secundum habitudinem eorum, qui derivantur ad suum principium. Laym. l.c.n. 3. Prior vocatur linea descendantium seu inferior, in qua continentur personæ, qua ab ascendentibus derivantur, ut filii, nepotes, pronepotes, abnepotes, & sic in infinitum. Posterior dicitur ascendentium seu superior, in qua stant ii, à quibus alii ducunt originem, ut pater, avus, proavus, abavus, &c. Altera dicitur linea transversa, transversalis, obliqua, collateralis; & est series & ordo personarum sanguine inter se junctorum, descendantium quidem ab eodem stipite, quarum tamen una ab alia non ducit originem, ut frater patris, filii & filiae fratri, nepotes & neptes ex fratre, pronepotes & pronepotes ex fratre; item patruus & amita, magnus patruus, & magna amita, magnus propatruus, & magna pro-

amita &c. Linea collateralis seu transversa alia est æqualis, continens nimirum personas, de quarum cognatione quæritur in æquali gradu distantes à communis stipite. V.G. duo fratres, frater & soror. Si autem unus altero pluribus gradibus distet (hoc est, inter ipsum & stipitem plures personæ medient, quam inter alterum & stipitem) sunt collaterales in linea inæquali; sic frater à sororis vel fratri filia distat inæqualiter; quia fratres cum stipite, nempe patre, sunt in primo gradu, filia est in secundo gradu à stipite, ergo in inæquali gradu. Porro quoties fit mentio lineæ, nisi aliud exprimatur, de linea recta intelligendum est, & non de transversa, monet Castrop. l.c.p. 7. n. 2. ex Peregrin. de fideicomis. a. 2. & seq. Illud etiam notandum, quod licet alias nepos propriè dicatur filius genitus ex filio vel filia respectu avi. l. jurisconsultus. §. nepos quoque. ff. de gradibus. appellatione tamen nepotis veniat etiam fratri vel sororis filius secundum communem usum loquendi. Pirk. b.t.n. 20. juxta c. tna nos. b.t. & Abb. ibi. n. 2. qui etiam addit, etiam in statutis nomine nepotis venire fratri filium.

4. Resp. ad quartum: Gradus consanguinitatis est habitudo coniunctionis unius consanguinei ad alterum per ordinem ad stipitem, à quo descendunt. Castrop. l.c. Five est distantia unitus personæ ab altera in linea seu scala consanguinitatis Laym.

Quæst. 222. Quæ sint regulae pro computandis & cognoscendis gradibus consanguinitatis.

1. **R**esp. Statui communiter tres: Prima pro linea recta, ascendentium nimirum & descendantium, quam tam in jure civili, quam canonico receptam esse dicit Pirk. b.t.n. 4. nimirum quod in linea recta tam ascendentem quam descendente tot sint gradus, quot personæ, una dempta, vimirum communis stipite, à quo prima ducitur origo; unde pater & filius sunt juncti in primo gradu (pater enim secundum se non constituit gradum, sed in ordine ad filium, adeoque cum eo constituit primum gradum; hic filius iterum cum filio à se genito secundum gradum) avus & nepos in secundo gradu, proavus & pronepos in tertio gradu, abavus & abnepos in quarto gradu. Eandem regulam sic expavit Castrop. l.c.n. 3. tot gradibus unus alteri coniungitur, vel ab eo distat, quot generationibus mediantibus ab eo descendit; sic filius est in primo gradu cum patre; quia media una generatione ab eo procedit, nepos cum avo in secundo gradu, quia duplex generatio inter eos mediat.

2. Altera est regula pro linea transversa æquali, defumpta ex c. ad sedem. & c. parentela. 38. q. 5. quot gradibus persona distat à stipite, tot gradibus distant inter se; cum enim tota & adæquata ratio coniunctionis harum personarum sit unio cum stipite communis, merito computantur gradus juxta distantiam ab illo, nec possunt magis aut minus distare inter se, quam à stipite. Sanch. l. 7. d. 50. n. 5. Pirk. b.t.n. 5. Sic itaque quia duo fratres vel sorores uno solùm gradu in linea recta distant à communis stipite, ideo ipsi inter se uno tantum gradu distant in linea transversa; patruelles vero & consobrini, id est duorum fratrum vel sororum filii vel filiaz, quia in linea recta à communis stipite, hoc est, ab avo vel avia, distant duobus gradibus, ipsi inter se distant duobus gradibus; adeoque in secundo lineæ transversæ sibi conjuncti, similiter filii & filiae patrueliani vel consobrinorum, quia in linea recta distant tribus gradibus à stipite, sibi sunt in tertio gradu conjuncti.